

Minister Benny Sevinger

Paradera Corridor ta esencial pa diferente di e proyectonan di infraestructura cu ta tumando luga



MINISTER Benny Sevinger, durante presentacion di e proyecto di Paradera Corridora

duna di conoce cu na e momentonan aki tin diferente proyecto andando rond Aruba y awor ta cuminsa cu esun di Paradera pa cual Minister Otmar Oduber a pusha hopi pa e por bay destaho publico e aña aki ainda.

E mandatario a duna di conoce cu tin diferente proyecto di infraestructura cu nan a categorisa den diferente categoria. Tin e primaire wegen, secundaire wegen y tercair. Esun di Paradera ta un primaire weg. “E camindanan primordial tin di haber cu e accesibilidad di e pueblo y di nos bishitantenan. Den e cuadro aki esaki ta e ringweg 4, nos ta trahando riba e ringweg 3 aworaki y e destaho publico di esey tin cu bin na januari y

nos tin e green corridor cu ta bayendo San Nicolas y cu su ehecucion ta cuminsa prome cu fin di aña”, Minister Sevinger a indica.

Na e momento ey e carretera di Paradera ta bira principal pa e hendenan cu ta bin di San Nicolas cu ta bay den direccion di hotel sin tin nodo di yega te aeropuerto pa tuma e ringweg 3. Pa tal motibo e carretera aki ta bira primordial y den e caso aki a combina dos aspecto. E peticion di su colega Minister Otmar Oduber pa tuma Paradera como e start up di proyecto di bario y na mes momento pa por comunica e zona di hotel cu e green corridor y haci esaki mas accesibel y sigur.

Destaho publico di e proyecto aki ta tuma luga prome cu fin di aña y construccion di e proyecto lo inicia despues di e bouw vakantie na januari.

Health & Nutrition Customer Service & Sales